

Na osnovu člana 18. stav (4) Zakona o putnim ispravama Bosne i Hercegovine ("Službeni glasnik BiH", broj 4/97, 1/99, 9/99, 27/00, 32/00, 19/01, 47/04, 53/07, 15/08, 33/08 i 39/08), Ministarstvo civilnih poslova Bosne i Hercegovine donosi

## UPUTSTVO

### O NAČINU UTVRĐIVANJA ISPUNJAVANJA UVJETA ZA IZDAVANJE PUTNE ISPRAVE IZ ČLANA 18. STAV (3) ZAKONA O PUTNIM ISPRAVAMA BIH

#### Član 1. (Predmet)

Ovim Uputstvom regulira se način utvrđivanja ispunjavanja uvjeta za izdavanje putne isprave iz člana 18. stav (3) Zakona o putnim ispravama BiH.

#### Član 2. (Izdavanje potvrde o nestalim osobama)

Ukoliko roditelj - podnosilac zahtjeva za izdavanje putne isprave malodobnom licu prilikom podnošenja zahtjeva za izdavanje putne isprave izjavi da se drugi roditelj malodobnog lica vodi kao nestala osoba, a ne priloži potvrdu ili uvjerenje izdato od organa nadležnog za vođenje evidencije o nestalim osobama, potvrdu ili uvjerenje će pribaviti organ nadležan za izdavanje putnih isprava.

#### Član 3. (Nepoznato prebivalište ili boravište drugog roditelja)

- (1) Ukoliko roditelj - podnosilac zahtjeva za izdavanje putne isprave malodobnom licu prilikom podnošenja zahtjeva za izdavanje putne isprave izjavi da mu je nepoznato prebivalište ili boravište drugog roditelja, nadležni organ će izvršiti provjere kroz raspoložive evidencije prebivališta i boravišta državljana BiH, kao i evidencije prijave boravišta kod organa nadležnog za vođenje evidencije za strane državljane, ako se radi o strancu.
- (2) Ukoliko nadležni organ ustanovi da je prebivalište i boravište drugog roditelja na području Bosne i Hercegovine, zatražit će od nadležnog organa po mjestu prebivališta ili boravišta drugog roditelja uzimanje pisane izjave i izjašnjenje o davanju saglasnosti za izdavanje putne isprave malodobnom licu.
- (3) Ukoliko je organ koji je tražio pisanu saglasnost iz stava (2) ovog člana utvrdio da se drugi roditelj nalazi u inostranstvu, smatrat će da mu je drugi roditelj nedostupan. U tom slučaju nadležni organ riješit će zahtjev po službenoj dužnosti.

#### Član 4. (Saglasnost oba roditelja)

- (1) Ukoliko je odlukom suda o dodjeljivanju starateljstva nad maloljetnom osobom izdavanje putne isprave uslovljeno saglasnošću oba roditelja, nadležni organ će od drugog roditelja, kojem nije dodijeljeno starateljstvo nad maloljetnom osobom, zatražiti pisano izjašnjenje o davanju saglasnosti za izdavanje putne isprave maloljetnoj osobi. Ukoliko odlukom Suda nije uslovljena saglasnost oba roditelja organ za izdavanje putne isprave zatražiti će mišljenje o opravdanosti izdavanja iste od nadležne Službe socijalne zaštite.

#### Član 5. (Vanbračna zajednica)

Ukoliko je maloljetna osoba za koju se podnosi zahtjev za izdavanje putne isprave rođena u vanbračnoj zajednici, a drugi roditelj odbija dati saglasnost za izdavanje putne isprave, nadležni organ će od nadležne Službe socijalne zaštite po mjestu prebivališta maloljetne osobe, zatražiti pismeno mišljenje o opravdanosti izdavanja putne isprave bez saglasnosti drugog roditelja.

Član 6.  
(Rješenje)

Nadležni organ će poslije dobijanja pismenog mišljenja nadležne Službe socijalne zaštite, u slučajevima predviđenim u članu 4. i 5. ovog uputstva, rješenjem odlučiti o zahtjevu za izdavanje putne isprave maloljetnoj osobi.

Član 7.  
(Stupanje na snagu)

Ovo Uputstvo stupa na snagu osmog dana od dana objavljivanja u "Službenom glasniku BiH".

---

Broj 06-2-30-4-160/09  
2. jula 2009. godine

---

Ministar  
Mr. Sredoje Nović, s. r.